

8JH-1

7.21




**Filadi  
i Tetorit**

**KOLË  
JAKOVA**

891-983-1

T.21

KOLË  
JAKOVA



LIBRARIOTEKA E SATE

~~39560~~


32761

# Filladi i Tetorit

SHTËPIA BOTONJËSE «NAIM FRASHËRI»

*Frymëzime nga lufta për çlirimin e Tiranës*

*(Botim i dytë)*



Redaktor:           Dhimitër Fullani  
Korektor letrar:   Astrië Kasimati  
Kopertina:           Spiro Kristo  
Redaktor teknik:   Adem Lita

Tirazhi 3000 kopje      Format 70 x 100/32      Stash: 2204-65

Shtyp N.I.S.-. Shtypshkronjave «Mihal Duri» — Tiranë 1966

## FLLAD I TETORIT

Fryj, fllad i Tetorit, mbi Shqipninë-nanë,  
erdhi dita jote sot, o moj Tiranë!

Nga llomsinë e turpit, nga tradhti e ndytë,  
vijmë të të nxjerrim, të t'i puthim sytë.

Brigadë mbas brigade zbresim na nga mali;  
oh, Tiranë e dashun, sa na mori malli!

Kemi shpijat tona, vjete s'i kem' pamë,  
nanat, edhe motrat, që n'mjerim i lamë.

Për të shkretën votër zemra po na fshan;  
prindët tonë të shtrenjtë janë apo nuk janë?

Jemi ktu me mija, që për t'parën herë  
të shikojmë nga Dajti, o Tiranë e mjerë!

Skajeve t'Shqipnisë, pa cak e jetëmë...  
Shtrejtë kushtoi liria që na sot po bijmë!

Shtëpitë e kësollat vorfënisht ndër tue,  
shkrumb i bani anmiku, gja s'la pa punue.

Babën n'pemë e varën, gruen e pushkatuen,  
fmijtë të llahtarisan malin, t'shkretët, muernë.

Ndoshta nana plakë shpatit i ka mbledhë;  
shtek pa shtek e mjera n'Tiranë i ka sjellë.

Ndoshta prap' i shohim, — Oh, kët' sa e  
dëshrojmë! —  
Në gji tand, Tiranë, prap' na t'i takojmë!

Lamë kësolln' e vjetër, bahu nanë e dytë,  
gjena, pra, një votër ku t'i hapim sytë.

Na hetoi anmiku n'dylbi nga kalaja;  
buçet prej Petrele topi edhe mortaja.

Nuk duen me na lanë mallin, ne me e shue,  
tmershëm pëlçet gjylja, shkrepat tue dërmue.

O, na njef ne Dajti, Dajti miku ynë,  
për ca shkrepë mali nuk i bahet vonë.

Le t'buçasë mortaja, topi nga çdo anë;  
filloi festa jote sot, o moj Tiranë!

Zgjou, pra, djep i dashun, që rrite Partinë,  
dil e pritë burrat, që tek ti po vijnë.

Ngrihu madhështore ashtu si t'ka hije, —  
ky tetor i bukur po sjell erë lirije!

## DAFINA

Shkrep në shkrep Dajtit bujar  
po na vjen një gjerëqinë;  
luftëtareja Dafinë  
po thek hapin nëpër shpat.

Plaga e dorës iu shërue,  
që pat marrë një muej ma parë,  
përleshë keqas me tradhtarë  
nalt Macukllit, atje n'Mat.

Çantën shpinës, fesin n'dorë,  
pushkën n'krah e plot gjerdanë,  
shtatkrenares partizane  
era flokt ja ledhaton.

E Dafina një dëshirë  
ka sot vetëm: të shpejtojë;  
e muer malli t'i takoië  
shokë e shoqe n'batalion.

Oh! ky mall, që u lind n'beteja,  
na bashkoi ne në një votër;  
ma mirë s'vete vllahu me motër.  
Lot e brengë i kemi tok.

Kur u vra Mefail Toska,  
qau Dafina si për vllanë;  
e kish babë edhe e kish nanë,  
krah e kish të mjerin shok.

Rrethue keq atje n'Qarrishte  
ngri kallkan mauzerja n'dorë,  
gjak tu'i rrjedh plaga në borë  
n'krah të shokve çau mb'atë anë.

Shpesh këmishën arna-arna  
copë e bani me lidh' varrë,  
që n'beteja kishin marrë  
shokt e saj përlesh n'gjerman.

Coli i vogël nga Sulova,  
qëndis trupin me mashinë,  
n'prehën t'motërës Dafinë  
meku syt' e zez e u pak.

E Dafina, pa u kujtue,  
Imonte dialin lehtë e lehtë,  
s'dukej dekë, dukej tue fjetë  
trimi Col lule-zamak!

Plaga e lidhun në betejë  
zemrat lidhi për ngahera.  
Nget Dafina e lehtë si era  
e mbi Dajt arrin fluturim.

Përmbi shtroje të blerueme  
ja, Tirana i del përball.  
— Oh' Tiranë, për ty sa mall  
zjen e mjera n'parzëm tim! —

thirri vajza e n'vend shtangovi.  
Kundruell erës po shikonte,  
t'vorfnën shpi pa da kërkonte,  
por ajo nuk gjindej dot.

— Ja sahati, ja edhe pisha,  
syt e mi ma s'po shikojnë;  
pamjen pse ma turbullojnë?  
— Sytë, o vajzë, i ke me lot!

Qan Dafina mbi një gur  
me ngashrim e zemër-valë,  
qan e shfren ashtu pa fjalë,  
— le të shfrehë se ka hak!...

I kujtohet ajo natë,  
kur trokiti e zeza derë.  
N'kambë u ngrit baba me i herë  
vdekë fytyra pa 'i pikë gjak.

— Lypin ty, o bij', por baba  
të ka rritun me mundime,  
pa u ba shkrumb kjo shpija ime  
nder e votër s'i turpnoj.

Kështu foli e bombën gati  
me i dhanë zjarr, shtërngoi në dorë.  
— Kuku, — briti nana e giorë, —  
Ç'asht ky kob, që na mbuloi!

Klithma e nanës zgjoi Agronin.  
U dridh foshnia; e bukra ftyrë  
shpejt iu vyshk e zu t'këqyrë  
thue se vdekja e ndiqte pas.



E Petriti, shpirt i motrës,  
pioneri luftëtar,  
synin xhixhë edhe krenar  
s'e veniti asnjë ças.

— Eja, bij, ta çel un' rrugën. —  
Si i tërbuem u sul at'hera  
Saliu i gjurë e, aty ke dera,  
plasi bomba për hata.

Nëpër flakë, ashtu si n'andërr,  
ftyra e babës prap' i ngjan;  
gjuejnë fashistat për gjithë anë,  
ai përball qëndron kala!

Mandej për një ças përkulet.  
Qan Dafina tue e kujtue  
babën trim përtokë rrëzue,  
porsi lis me dega plot.

Oh! Tiranë, sa m'turbullove!  
Plot dy vjet topa e granata  
m'ushtuen vesht e kurr s'e pata  
kët pikllim, që m'solle sot.

— Pra, qëndroni nanat tona, —  
thrret Dafina, — si ju ka hije.  
Për katilat, ja po bie  
Divizjoni partizan.

Për një atë dhe ku ra Qemali,  
ai, që sytë m'i hapi i pari,  
e mbi vorr po i rritet bari,  
ta mbërrijtëm, o Tiranë! —

## ZANI I TIRANËS

Dielli i vjeshtës s'parë  
gjithnjë djeg si furrë.  
Trupin plagë Tirana  
nuk përkulet kurrë.

Frytet ndër kopshtije  
s'mendon kush t'i mbledhë;  
n'që se lodhet pema,  
përtokë le t'i hedhë.

Kemi halle t'jera;  
presim na me mall  
të na vijjë sokolat  
le me yll në ballë.

Luftëtart e nanës,  
me pushkë e gjerdanë,  
vijjë që ta djegin  
brenda në Tiranë.

Zbret ushtri e malit  
si Drini me valë.  
Del, baloz i dreqit,  
byjrum, n'mujsh me e ndalë!

Djalin, që kërkove  
ti dikur me zanë,  
sot po të vjen vetë;  
kape në ta mban!

S'luftohet me plaka,  
me foshnja e shtëpija;  
në mejdan si burrat  
provohet trimnija.

Bini, djemt e nanës,  
fashizmit me zjarr  
digjnie, përvëlonie,  
mos t'i mbetet farë!

Digjnie e përvëlonie,  
se edhe na s'po prajmë;  
dit' për dita jetën  
farmak po ja bajmë.

Zot s'e ndjen ma veten  
mbrenda në Tiranë.  
Pret veç kur ta puthi  
plumbja nga ndoi anë.

E di mirë katili  
se s' të puth aq lehtë.  
Plumbja partizane  
t'i hedh kambt përpjetë.

## REXHEP CAMJA

Ku m'je nisë, o Rexhep Camja,  
ku po don me shkue?  
Aferim të qoftë, o djalë,  
bukur ke shpëtue!

Pa e marrë, hakun si ca t' tjerë  
ashtu për merak.  
Pa i përqaftë gurt e kall dramit  
shtri atje n'sokak.

Ky Rexhepi burr' i ndershëm,  
safi patriot,  
porosinë që i dha Fictumi,  
shkon ta kryej sot.

Shum detyra i qenë ngarkue,  
kudo duel me nder:  
posi giarpni i fshehu kambët,  
s' u zbulue ndojherë.

N'qe se baba i Dafinës  
parvjet u pat vra,  
pyetni se u tregon Rexhepi  
krejt si pati ngja.

Na i pëlqeu dhambve t'maçokut  
lesh-verdha Dafinë.  
Kur e shihte kah kalonte,  
lëpinte turinë.

E tërhiqnin namuzqarin  
vajzat edhe gratë,  
veçse tinës pas i ndiqte  
patrioti i ngratë.

Ishte burr; sa hera fliste  
për namuz e erz  
e për vajza, që po prishen  
e po marrin ters.

Dalin maleve e nuk rrijnë  
mbrenda në Tiranë...  
Helbete, ma mirë do t'ishin  
me Rexhepin pranë!

Pa ra n'sy, nja dy muej udhve  
e ndoq natë e ditë.  
Bani plane, hudhi rjeta  
e gja s'qiti n'dritë.

Kur pa prit' vëren Rexhepi  
se e bukra Dafinë  
merrej me punë të rrezikshme,  
që shkallmojnë Shqipninë.

Tjetër gja kërkoi qyqari,  
tjetër gja na nxuer.  
Tash detyra e thërriste  
me lajmue n'kuesturë.

Por gjithnjë n'mënyrë të ndershme  
e pa i dalë gja n'shesh;  
se kta t'rijtë s'e masin punën,  
t'i bajnë trutë përshesh.

Ky përshesh nuk i pëlqente  
aq Rexhepit tonë,  
mbasi donte ta kish kokën  
një copë gjithmonë.

## BABALLARËT E KOMBIT

N'veturë Rexhepi, nazistat pranë,  
për Prezë, po niset ai fluturim.  
Gjith' baballarët mbledhë atje janë,  
kërkojnë që kombit t'i gjejnë shpëtim.

Ja Bazi i Canës e Mitat Balli,  
Mediu, Mustafa, Gjoni përbri.  
Si erdh zamani, tashti nga halli  
dajë quhet derri sado i zi.

Se me çifliqe Shqipnija shkojti,  
me konçesione e firma tregtare.  
T'humbunit dreqi veç i tërbojti  
e n'vesh u fryni se janë shqiptarë.

Ah, kjo Rusija sa n'qafë na mori,  
U tërbue bujku e bani si desh;  
kërbaçin n'dorë ia dha puntorit.  
mbi shpina tona sot po lajn' lesh.

Ku e dinte bujku ç'asht politika,  
qenka a s'qenka Shqipnija e lirë,  
vueka puntori, s'haka as pika;  
Po ende s'plaska? Për ne ma mirë!

Po, po Rusija, librat e saja  
rajanë e nxitën, e banë Parti.  
Sot s'i luen vendit topi as mortaja,  
me zjarr t'i djegish, hapen ma zi.

E pra, nuk lamë gja pa punue  
nazista, Ball e Legalitet.  
Shqipninë tri hise e kemi shkretnue,  
toka ku shkelëm, bar ma nuk qet.

Varëm e therëm bash si dëshronim.  
Fshatrat me radhë na i dogjën flakë  
e ndojherë flakve peshqesh u çonim  
ndoi grue a foshnje, plak apo plakë.

Mirë po s'na eci; u ban ma t'egër,  
Marsho përpara Rusi matanë,  
Tërbou e sulu kta edhe ma tepër.  
Veç për një qime shpëtuem pa u zanë.

Po, sidoqoftë, gjene s'do vdesim,  
se 'i hingliz Bazi me vete e ka.  
Për ne drej t'jetë, qirinë ja ndezim,  
veç të na nxjerrë nga kjo bela.

Mbledhun paria, po kuvendojnë  
si do t'i bahet halli ksaj pune.  
Tashma e njohim na shoqishojnë,  
fjal't edhe veprat ja ktu na prunë,

Prandej i pari, — po thotë Mitati, —  
mister Meklenë t'na flasë ma mirë.  
Çfar' t'na urdhnojë, na jemi gati  
që t'i shërbejmë si ka dëshirë.



Sa për shërbimin, le t'jetë i qetë.  
Nëqoftë se humbëm deri tashti,  
s'ish faji ynë, nazisti i shkretë  
u ba fërtele dhe s'kish fuqi.

Ju jeni ndryshe, ne kte e kuptojmë.  
Me juve mbrenda do tundim dhenë:  
Kurrnja s'punuem sa do punojmë,  
parol d'onëre, mister Meklenë. —

Ingliz i gjatë u ngrit në kambë:  
— Thankju, o xhentila, që m'rrini n'Prezë, —  
tha, — grahni kambve vrap për Tiranë,  
ndryshe fituet faqen e zezë.

Po u muër Tirana keni për të shkue  
për dhjam të qenit ma zi se sot.  
Qeverinë s'bashku shpejt me e formue.  
Po s'duel gjermani, nxirnie me zort.

— Nuk asht nevoja, mos u shqëtsoni,  
mister Meklenë, — foli pa pritë  
Rexhepi ynë, — dal kur të doni  
ka thanë Fictumi, por me 'i konditë.

Presim sa t'vijne dhe disa të tjerë  
ca xhentilmena safi eses.  
Po t'i lamë vetëm, kurrma ndojherë  
s'e sjellin kokën këta fatzez.

Mandej së bashku me ju sulmojmë;  
duman e ndezim mbi partizanë.  
Na marrim hijen, — thotë, — e kalojmë.  
Bani ç'të doni ju me Tiranë.

Se ma ka sjellë mu ktu ke hunda.  
Eh! s'jam si isha dy vjet ma parë;  
m'zu rrota bishtin e s'po pret puna,  
se, qafsha Itlerin, e dogja mbarë.

Dhe 'i kondit' tjetër kërkon Fictumi;  
rruga për Shkodër e derë n'kufi  
t'pastrohet anash, se s'don që plumbi  
ta marrë e kockat t'i lanë n'Shqipni.

Dhe e fundit, — thotë, — po nuk ndihmuet,  
si duken bathët, jo vetëm ne,  
porse as juve gja nuk fituet;  
sharruem së bashku, që ç'ke me te!

Se s'po na pyesin as ne as juve,  
asht mbushun Dajti plot partizanë.  
Rreth e rreth fshatrash janë grumbullue,  
veç kur t'na sulen brenda n'Tiranë.

— Po qeverinë kush ta formojë? —  
merr fjalën Gjoni pa u nxitue. —  
Kjo mbledhje, burra, le ta kuptojë  
se i parë un' duhet të jem mbi ju.

— Ne po na digjet mjekra nga halli,  
ti lyp parinë! Duket se lesh  
të kan' zanë sytë, — tha Mitat Balli. —  
A por don mbledhjen me e ba përshesh?

Jo due, jo s'due, burrat u zunë.  
Un' due parinë, jo unë ta marr.  
— O xhentilmena, po ç'asht kio punë;  
peshku në det e tigani n'zjarr! —

Briti hinglizi. — Mjerë zemra jonë  
me ke punojmë sot në këtë vend!  
Jo qeverinë, por nga 'i kumbonë  
për qafë e doni; s'mësuet kurr mend.

Çohi, bre hora, hikni n'Tiranë,  
se s'mund t'ju njohim pa qeveri.  
Ti, Xhep, Fictumit m'i ban selam.  
Kambë partizani, thuej, mbrendë mos t'hij.

Përndryshe dreqi ka për t'ju marrë;  
do leni kockat... — Por n'gojë iu sos  
fjala inglizit. Krisi batare  
përjashta pushkë dhe mitroloz.

— Kushtrim, o djalë! — Mustafa briti. —  
Hikni, bre burra, se na zuen gjallë!  
I pari t'mbramin ma nuk e pritit,  
por kambt e lehta dhe faqja e bardhë.

Fluturimin morën posi kjo kujrila,  
njeri nuk ngeli veç ca tregtarë.  
Vrapit s'ja thonin kta karafila,  
Sa n'qaf që i mori Balli Kombtar.

Leqet e kambve zunë e iu dridhën.  
I mbyllën sytë dhe barkas ranë.  
Pos gjitha hallesh, don dreqi e zgjidhen  
ca qej nga hekrat e u turren pranë.

E zanë e lehin n'tregtarë ballista,  
varg i nuhasin e mandej lehtë  
gërvishtin dhenë, *ala fashista*  
i përshëndesin me 'i kambë përperjetë.

— Dorzohi; — t'madhe shokt u bertitën,  
por burrat barkas, shpirtin ndër dhambë,  
vendit nuk lonin, dersa i ngritën  
për qafe trimat me radhë në kambë.

— Po ju, o bilbila? — i pyet komisari, —  
çfarë ere ju solli? ... — Aman, zotni,  
vijmë nga Tirana, na thirri Balli,  
na thanë po ngrehim një qeveri.

Na veç me pare çka kem ndihmue,  
se pushkën n'dorë kurr' s'e kem kapë.  
Tashti po e shohim se kem gabue;  
na lshoni, t'keqen, bani sevap!

## FAJE MULLISI

Për-nbi Dajt po qesh Agimi,  
n'trandafila zbukurue.  
Për në shtab këthehet çeta  
tue këndue.

Kodër mb' kodër Faj Mullisi  
përcjell shokët n'për livadhe,  
e për qef kangës ja mori  
me të madhe:

«Hiku nata, aguen malet,  
ç'u gëdhi, ç'u ba sabah..» —  
Bilbil zanin këndoi Faja  
për sevda.

Mbaroi kanga. Prap' biseda  
plot me gaz tashti ja nisi.  
Po tregon për Rexhep Camen  
Faj Mullisi.

Deri vonë padron e kishte,  
në mulli të tij punovi.  
Tue çue miell në mal, Rexhepi  
e hetovi.

Desh ta kapë, por nuk ja doli,  
e lajmuen shokët ma parë.  
Hiku Faja edhe mullinit  
i vu zjarr.

Tashti Faja skutë për skutë  
heton depot plot me grunë.  
Ja ngarkoi një shok partije  
këtë punë.

Duhet buka për ushtrinë,  
që po sulet mbi Tiranë,  
Për mullijt e din mirë Faja  
se ku janë.

Me njësit natën e ditën  
sillet udhve n'bomba mbushë.  
Byjrum n'qe se don të dalë  
para kush.

Përsëndeti Faja shokët.  
Këtu rruga me ta e ndan:  
— T'mir' u pafshim sa ma parë  
në Tiranë.

## **BARIKATAT**

Mori detin hana  
don me perendue  
shkoi nata dhe shtabi  
gjithnjë po rri zgjue.

Shtri hartat përpara,  
atje në Tufinë,  
një kandil i vogël  
mezi që po i ndrin.

Shoku Mehmet Shehu  
lapsin ka në dorë;  
stolis dalngadalë  
n'kartë një kunorë.

Një kunorë të bukur  
lule përgjithë anë,  
ta qëndis Mehmeti  
planin, o Tiranë.

Lule batalionet,  
kunorë korparmata;  
kemi na mortaja,  
topa ndër brigada.

Divizioni i parë  
rreth e qark si mur;  
s'dilni, pjellë e dreqit,  
pa e pague me lkurë!

Kujtuet ju se foshnjat,  
q' i pretë si kasapë,  
kishin mbi ndër ara,  
kishin le pa babë!...

Jo, i kanë babat gjallë,  
me gjerdane ngjeshë,  
varë granatat brezit  
vijne sot me ju ndeshë.

Erdhi radiogrami  
natën nga Berati.

— N'kambë — thotë Enver Hoxha, —  
gjith' ushtria gati!

Para, shokë o vllazën,  
siç e kem zakon,  
t'ja coptojmë verigat  
kryeqytetit tonë.

Oh! Parti e dashun,  
sa fort na gëzove,  
orë e ças e presim  
urdhërin, që lëshove.

Natën nëpër rrugë  
po lufton brigada;  
brenda në Tiranë  
lindi barikada.



Barikadë e parë,  
lulja e Tetorit,  
lule rranjë vaditun  
me gjak të puntorit.

Ja, me mija duer  
barikada ngrejnë,  
duer prej çelikut, —  
topat nuk i thejnë.

Janë duert e nanës,  
që ja vranë të birë,  
xhanin — djalë të vetëm  
rritur për dëshirë.

Janë duert e vajzës,  
që pret sa ma parë,  
kur po vjen nga mali  
trimi, që ta marrë.

Pa zbardhë ende mirë,  
n'rrugë fëmijë po mblidhen.  
— Partizant'! — thërresin,  
e në qafë u hidhen.

Kush yllin ua puthë  
mbi bustinë në ballë,  
kush automatikët  
ua përkdhel me mall.

Burra e gra po dalin,  
u mbush rruga mbarë:  
— Qoftë e bardhë dita  
kush na paska ardhë!

— Eni, ju pastë nana,  
n'gji na t'ju shtrëngojmë,  
mallin edhe brengat  
me ju t'i harrojmë!

Sillni buk' të hanë.  
Jeni lodh' nga mali,  
e di, t'keqen nana.  
ku e ka vorrin djali? —

Atje mbi një kodër,  
një lis ban hije  
vorrin t'luftëtarit,  
që ra për liri.

## **GJËMON TOPI NË PAZAR**

Në pazar buçet granata,  
po luftonte Haxhi Lata  
Haxhi Lata vetë i tretë;  
Sali Kondi trim me fletë  
me Shaqirin po vërvijnë  
mbi bunker bomba e benzinë.

Ke xhamija me parmakë  
varg dyqanet morën flakë;  
s'bie bunkeri për të gjallë.  
Po vijnë tanket palë-palë,  
sa m'këtë anë e ca mbatanë,  
marrin krahët me na zanë.  
Këto tanket e anmikut,  
mbërthye n'perde prej çelikut,  
ecin çift e çift si qetë,  
lypin vendin me na gjetë,  
flakë për flakë po na qëllojnë,  
kemi muret që na mprojnë.  
Gjëmon topi në pazar;  
janë rrethue tre luftëtarë!

Kjo binaja me terasë  
t'forta mure paska pasë,  
posi muret e kalasë.

Mbi terasë Shaqir Tali  
bukur tankun n'vend e ndali, —  
ja hodh bombën me benzinë,  
flakët bishën e përpijnë.  
Dy tankistë, që dolën jashtë,  
e paguen të dy me rrashtë...  
Fort nazistat u tërbuen,  
përtokë derën e rrëzuen.  
Ndihmë një skuadër vrik ka ardhë  
mbrenda hyjnë, hypin në shkallë, —  
ka të zonë kalaja gjallë!

Sali Kondi e Haxhi Lata  
ç'po i gostisin me granata.  
Shungulloi granata e parë, —  
shkalla e drunit mori zjarr,  
dy nazistë pa frymë mbenë,  
tre po puthin dyshtemenë...  
Por sulmon prap' hasmi shpinë,  
don me e djegë ai me benzinë...  
Pushkë e bomba tash pushuen...  
— Bini, shokë, se u pa kjo punë, —  
tha Shaqiri, — s'na ka mbetë  
tjetër shteg veç' n'bajonetë!

Ngusht' e keni sot, o shokë;  
ju rri vdekja përmbi kokë;  
fytafyt mbërthye n'shoshojnë:  
shum' — e thikat ju kërcnojnë.  
Ju tre vetë e ata nandë.  
vallë a do ja dilni mbanë,  
apo fundi ju ka ardhë?...  
Mallkue qoft' kjo armë e bardhë,  
armë e bardhë, armë e shkretë,

ju rrëzon si lis me fletë,  
mu në mes ju than rininë,  
qyqe nanën, jetim fmijnë...

Ke binaja në pazar  
luftojnë trimat vullnetarë;  
i duel tymi katit t'parë.  
N'barikadë përtej matanë  
komisari shef binanë,  
gjith inat ngrihet në kambë:  
— Pa dëgjoni, shokë, një fjalë!  
Kush asht trim e kush asht djalë  
vullnetar me mue të dalë.  
Ke ajo shpija atje përballë  
shokt e aksionit digjen gjallë!

Fjalën dysh s'e ban rinija,  
n'kambë u ngrit gjithë kompanija,  
Vetë Lekë Cara, komisari,  
luftëtarve u prin i pari.  
Pritat lanë e n'rrug të lame,  
kush përkulë kush fare n'kambë,  
n'gji t'anmikut tue u rrasë,  
sulmojnë trimat drejt binasë...  
Shpejt bunkerit u kujtue,  
ngrehi grykat si i tërbue,  
nuk po len kend me kalue.

Elmas Hodo e Rushan Liku  
s'duen ta dijnë çfarë asht rreziku.  
Nga një gur të dy kanë marrë,  
shtrihen barkas në pazar,  
posi gjarpni ngrehen zvarë,  
drejtë bunkerit mu në rrugë  
kryet mbas gurit tue e strukë.

Shtyje gurin, ngrehu rrshanë,  
prap dy tjerë këtë lojë e banë;  
tash bunkeri gjet belanë,  
u sjell grykat përgjith anë,  
por përdhe tytat s'qëllojnë;  
sipër predhat shokve u shkojnë...  
Veç Elmazi, që çoi kryet,  
e muer predha mu ke sytë,  
përmbi gur mbet koka shytë.

— Bini, shokë, se na çarti, —  
tha Rushani e i ndej gati  
n'bombë e shishe me benzinë...  
Mbi bunker flakët lëvrijnë,  
vlojnë granatat përnjëherë,  
tela e flegra hidhen n'erë.  
Gjëmojnë bombet, dridhet toka,  
tytë e topit copa-copa.  
Dy nazistë, në flakë mbulue,  
dalin jashtë si të tërbue  
mbarë e prapë tue u përpëlitë,  
bijnë përdhe, shkryhen si mijtë;  
breshën plumbat nga çatitë  
për kadalë i kanë kositë.

U lshue rruga drejtë binasë,  
por s'po lanë tanket me u qasë,  
mbrojnë nazistat, që janë mbrendë.  
Xhezairi trim kish cenë;  
kërkoi leje shokut Lekë,  
e ka qitë cekën me vdekë.  
Luftëtarit Xhezair  
ja nief turrin Leka mirë.  
— Bashkë, — i thotë na do sulmojmë, —  
bashkë vdesim, o shpëtojmë,

për të gjallë shokt' nuk i lshojmë.

Mu në shesh synojnë shtëpinë,  
dogjën tankun n'pjataminë.  
Kompanija ban kërدينë,  
ndër pullaze e skutë, për skutë.  
Mirë binanë n'çark e kan futë;  
sa trimnisht, që po përleshën,  
bijnë granatat posi breshën,  
ngrihet flaka në pazar,  
shungullon Tirana mbarë,  
tremben tanket duen me dalë  
nga rreziku palë-palë;  
po nget Xhezua t'i ndalë.

Mirë granatë e parë qëllojti,  
autoblindin e gozhdojti.  
Bomba e dytë, bombë e shkretë,  
për një shtyllë se ç'ka zatetë,  
i shpërdau ciflat përpjetë...  
Mu në bark e muer një copë,  
shoku Xhezo ra përtokë,  
por s'dëgjion Xhezo çeliku  
të tërhiqet nga rreziku;  
zvarë për tokë në shesh të gjallë  
ja se 'i tank i del përballë!

Po ja hjedh Leka me radhë  
bomba e shishe me benzinë;  
por asnjë s'ja ndal duhinë.  
Don ta ndal Xhezua i gJORë,  
s'i punon e ngrata dorë,  
ja shoi plaga gjithë fuqitë,  
përpëlit tue u venitë.  
Sipër trimit Xhezair

hipi tanku me zinxhirë!

— Oh, qëndroni se ja arrinë, —  
po gërthet shoqja Dafinë,  
n'vrap e para zu shtëpinë,  
mbrapa saj, shokët po vijnë.  
Shum' të vramë shikojnë përtokë.  
Tre nazistë Saliun kanë rrokë,  
n'bajoneta po e shporojnë,  
por përdhe dot nuk e rrzojnë.  
Trup i lidhun, trup i shndoshë,  
vrime-vrime ba si shoshë,  
prap' Saliu qëndron në kambë;  
ku me thikë e ku me dhambë,  
si luani plagosë randë,  
sulmon trimi e s'don me u dhanë.

Kur e panë shokët këtë punë,  
si sqifterët u lëshuen  
n'bajoneta e me mashinë,  
tre nazistat vdekë i shtrinë.  
Ban çudi Sali luftari,  
kur shikon se komisari  
bashkë me shokë e kanë rrethue,  
buzagaz don me qindrue,  
goja gjak tue i kullue.  
Merr gjoja me i ba dy hapa,  
i shkon trupi para e mbrapa;  
s'dëgjojnë kambët me iu bindë,  
dorën plagë mezi e shtrin  
shokun Lekë ta falnderojë,  
por i mbet fjala n'gojë,  
për një ças trupi i rrëshqiti,  
mu në gjoks Leka e priti.  
Letë e letë për tokë e ulë,



sipër tij shokët përkulë,  
sy-përlotun e shikojnë,  
trembdhjetë plagë po ja numrojnë.  
Nis Dafina që ta zveshë,  
skuqë këmisha për trup ngjeshë,  
ja fshin gjakun, ja lidh kryet,  
prap' Saliu na i hapi sytë.  
Përmbledh veten dalngadalë,  
ja drejton Lekës dy fjalë:

— Ngrima kokën, shoku Lekë,  
s'po m'pëlqen një herë me vdekë,  
pa e marrë vesh sa vetë vramë,  
Haxhi Latën ku e lamë,  
Shaqir Tali ku ka mbetë,  
trim kish qenë Shaqiri i shkretë,  
kish zanat për bajonetë.

Por atij Haxhiut të gjorë  
s'i vinte thika për dorë.  
Ish i shkurtë, s'ja kish fuqinë;  
shpejt nazistat n'mes e shtinë,  
si kasapët e përlanë,  
n'bajoneta copë e banë...

Kokën n'gjoks të shokut Lekë,  
shef Saliu shpinë tue u djegë,  
shtri Haxhiu atie mbi shkallë,  
fytin pre dhe i plag në ballë,  
koka varë nëpër parmakë,  
anës drrasat ndizen flakë,  
ziarri i turret valë-valë.  
ja dieg flokët për ngadalë...  
Gjithnië dorën n'bajonetë  
Shaqir Tali paska mbetë,

mbi nazist të gjatë mbërthye,  
shpina e tij me gjak asnt lye.  
Dy të tjerë për bri na i rrijnë,  
një përmbys, tjetri në shpinë...

— Amanet, o shoku Lekë, —  
flet Saliu thellë n'zemër prekë, —  
ndjej se m'erdh çasti me vdekë.  
Lajmo fshatin, lajmo shpinë,  
kujdes grues m'i thuej tëminë.  
Asnt çapkën e ta shtërngojë,  
kur të rritet t'i tregojë  
si u vra baba në 'tiranë,  
shoshë anmiqt trupin ja banë.  
Thuej se u vra për ty, o bir,  
n'votër tande t'jesh i lirë,  
mos të ripesh për të tjerë  
tue kërkue punë derë për derë.  
Thuej se baba u rrit me halle,  
nuk po t'lën arë e livadhe,  
por po t'lën një gja të madhe;  
shpresë e jetë e vegjëlisë,  
t'lën Partin', që do të rrisë,  
si ajo lulja në prandverë.  
Dëshron baba t'puthë një herë,  
se i qetsohen varrë e plagë,  
që ma dogjën trupin flakë... —  
Tha kto fjalë e u turbullue,  
një pikë lot zu me i rigue.  
— M'falni, shokë, — tha, — se u turpnova,  
dash' pa dash' pak e teprova... —

Fjalit e fundit mezi i nxuer,  
erdh e u shtang, fryma iu muer;  
dy tri her' ndej tue u përplitë,  
prap' ndoi fjal' donte me e qitë,  
por iu kputën gjith' fuqitë,  
vari kokën e u lëshue, —  
shoku Salë kishte mbarue!

## SHTATË NANDORI MBI TIRANË

Mesi i natës mbi Tiranë,  
shungullojnë bombat me gjamë,  
vetojnë topat kur po shtijnë,  
mitrolozat gumëzhijnë:  
plumba zjarri vejnë e vijnë;  
tym e flakë ndezen shtëpitë,  
natë e zezë bahet ditë.  
Festë e madhe na ka ardhë,  
shtatë nandori don me zbardhë.

Lum kjo natë revolucionit!  
U mblodh shtabi i batalionit;  
n'dhomën ter u ndez një llambë  
komandanti u ngrit në kambë,  
po i shikon shokët me radhë,  
rrjesht gatitu i ka përballë.  
Fon Periku, Ndue Përmaçi,  
Vangjel Miti e Halit Taçi  
Riza Shkodra e Dalip Dine,  
afër Leks shoqja Dafinë,  
komandantin e shikojnë  
shum' betejat ja kujtojnë,  
Delo Shera sytë përtokë  
ja fillon: — Dëgjoni, shokë;

shtatë nandorin herë e parë  
po e feston poplli Shqiptar;  
sulmon bunkert e binatë,  
flakë Tirana u ndez këtë natë.  
Ky fortin që kemi pranë  
s'po na len me dalë mbatanë,  
bulevardin e përllan.

E mpron sheshi edhe binaja,  
tanke, topa edhe mortaja,  
brenda n'dhe qarkue me mur  
na i ka lidhun kambë e duer,  
ditë për ditë po na kërcnohet,  
dreq nuk del që t'i afrohet.  
E dij, shokë, se nuk asht e lehtë,  
ju tetë vetë e ata pesdhjetë,  
armatosë deri ndër dhambë,  
ata n'dhe, ju n'fushë të lame.  
Pra, mendojeni ma parë,  
ai, që del sot vullnetar,  
përballë vdekjes do t'i dalë.

Ndue Përmaçi mori fjalë:

— Aman, shokë pse po na pyet;  
e due veten si dy sytë,  
s'e shkëmbej kurr' me një t'dytë;  
pra, nga hallet, që kam pasë,  
shkamb po t'isha, kisha plasë.

Ma vranë babën edhe vllanë,  
shpinë ma dogjën, morën gjanë,  
gra e fëmijë rrugve m'i lanë,  
milic-horat e Dodanit,  
pse s'iu shtrova kapidanit.  
Ju, — thotë Ndou, — ma xeni besë

kur kam pa kullat tue u ndezë,  
n'Orosh flaka tue u dalë,  
kam ba be dhe ja kam falë  
ksaje Partije këtë jetë, —  
le ta prishë ma mirë ku t'jetë!  
Zoti u ruejtë që ju ka shkue,  
për këtë punë, ndër mend për mue  
sot me burra me m'rrjeshtue.

Fillojnë shokët me u përshndetë,  
kujt s'i dhimbset jetë e shkretë,  
kujt s'i dhimbset babë e nanë,  
motër-zeza që pret vllanë!  
Komandanti i ze me radhë,  
u merr dorn e i puth në ballë;  
shoqishojt ua bajnë hallallë.  
Dy nga dy shokët u ndanë  
ke i lëndinë synojnë binanë.

S'po lanë retë yjet me u ndezë,  
mbulon tokën nata e zezë,  
vetëm topat kur vetojnë  
tej binanë po e zbulojnë.  
Kjo binaja, muret copë,  
ba nga predhat vrimë e gropë,  
shqepë dritaret përgjith anë  
posi kafkë qëndron në kambë.  
Po shkoinë shokët për lëndinë,  
trastat plot bomba e benzinë,  
krahaqafë e hjedhë mbi shpinë  
zbath opingat e gërmuqë,  
kambadorazi, hajduçe,  
binasë mbrenda, pa u kujtue;

donë me i hy e me u rrjeshtue  
ballë fortinit ndër dritare.  
Por anmiku s'asht budallë,  
i ka marrë masat ma parë.  
Mjerë Rizaj e Fon Periku  
para syve u rri rreziku,  
para syve i tel i hollë,  
në dhe mina mbledhë si bollë...

Copë u banë kortarë-kortarë,  
përmbi gardh kokat lavarë.  
Edhe nanat po t'i shofin  
djemt e tyne, ma s'i njoftin.  
Pra, pat qenë Foni një djalë  
thue se nana s'e kish falë,  
por me lule ish fillue  
mu n'zamak kishte lulzue.  
Asht një shoqe partizane,  
një sy-zezë qerpik-gërshanë,  
fytyrë qeshun ditë e natë,  
kur ta marrë këtë mandatë  
do t'i shkulë flokët e kresë, —  
e patë dashtë sa s'e ze besë...  
Po ç'do bajë nana e Rizasë?  
Zbulue kokën do bërtasë,  
ta dëgjojë Qafë e kalasë.  
— Qani fushë e qani male,  
qyqja unë mbeta pa djalë,  
s'la Rizaj as vlla as motër,  
me i burr' plak kërcuna n'votër,  
qajma hallin sot, o Shkodër,  
qaj me mue Shqipni e tanë;  
qyqja nanë pa Rizanë  
cona-copa në Tiranë.  
Trimi i nanës bir i shkretë,

i duel zot vatanit t'vet,  
i duel zot gjithë fukarasë,  
se dyshek nën bri s'ka pasë,  
s'iu gëzue kurr' trupi as kamba  
veç me leckë e veshi nana.  
Qe dhjetë vjeç Rizai i gjorë,  
në fabrikë nga dymbdhetë orë  
n'erë t'duhanit ka punue  
për një lekë, ai qoftë mallkue;  
qoftë mallkue leku i zotnisë,  
e shoftë nama e vorfënisë.  
Mallkue i hueji n'votër tonë,  
si e pësoi, pësoftë gjithmonë.  
Kush prap' luftën e filloftë,  
farë mbi dhe mos i teproftë,  
zjarri e djegtë e përvëloftë. —

Plasi mina. Përnjëherë  
lajmoi Leka shokt e tjerë;  
ke i hendek, që kishin pranë  
vrap u lshuen e barkas ranë.  
Filluen predhat t'fishkullojnë;  
mbi hendek stomin dërmojnë,  
sipër shokve dheun e lshojnë;  
por njeri nuk lëviz fare  
dersa frymë munden me marrë.  
Po kur nisën të mëdhatë,  
fushë e banë stomin e gjatë,  
zu hendeku e po mbulohet,  
fryma shokve po u ngushtohet.

I erdh Ndout shpirti me dalë,  
mbrenda n'dhe lëvrin si ngjalë.  
Vrik u ngrit dikur në kambë,  
randë i shau topat me nanë:



— Çfar' kujtoni, o plaçkë e diallit,  
s'hyjm në vorr na për së gjallit  
pa na marrë kund plumbia ballit...  
Desh t'vazhdonte, por Haliti  
— T'plaçin sytë, — t'madhe i bërtiti,  
ja rrmbeu kamt, për tokë qiti.  
— Po ku deshe, o Ndue, me dalë,  
ai me topa e ti me fjalë!

Valon zjarri plot dy orë,  
u thye toka si me plorë;  
bluzhë u banë përçark shtëpitë  
cave mbrenda u ranë çatitë.  
Në llogor urdhnoi gjermani:  
— Mjaft, e pat, ziarr ma mos bani;  
n'brinë të kaut po t'ishin futë,  
kanë mbarue *ales kaput*...  
Çfar' kaput, more i shkretë,  
partizant s'mbarojnë aq lehtë,  
edhe pak do e shofish vetë.

Hana-plakë e kurriz-dalë  
kalon Dajtin çalë-çalë,  
një sy qiell retë ja kanë falë.  
Sapo hana kaloi malin,  
përmbi dhe shokët po dalin  
ashtu t'zez me baltë mbërthye  
rrobat llom, fytyrën zhve;  
nië mbas një kah po kalojnë  
barkas arën e trinojnë.

Ndër niëmië shkretinë e gjamë,  
që buçasin në Tiranë,  
buluroi gjëmim i randë,

mbarë qyteti zu me u trandë.  
Bulevardit atje n'fund.  
Si termet toka u lëkund.  
N'pallat shokët kah luftojnë,  
vrik kundruell një her' shikojnë,  
kush po e tund duen ta hetojnë.  
Shoku Lekë e shokt e tjerë,  
fora e banë edhe ksajë herë.  
Mbi fortin dhe ndër baraka  
sa ranë bombat, hipi flaka.  
Kto barakat bri binasë,  
predha topash kishin pasë,  
n'municion, mbushë kishin qenë;  
sa iu ranë granatat mbrendë  
zunë t'pëlcasin, ku je djalë,  
gjamn e tmerin gja s'e ndal;  
dirasat n'erë po fluturojnë,  
n'zjarr fishekt digjen e vlojnë.

Tym e flakë u mbush fortini,  
vdekja armiqt keq i përpini.  
Ca bërtasin tue u djegë,  
ca përdhe rrijnë tue u përpjekë,  
rrobat flakë, ca duen me hikë  
n'vrap gjoja zjarrin me e fikë;  
shpërthejnë predhat për dekikë,  
sa edhe shokt desh u hutuen, —  
nuk e prisnin këtë punë, —  
lanë binanë edhe u larguen.

Sapo dolën për' lëndinë,  
shoku Delo ja ku arrin;

bashkë me shokë shikojnë fortinë, —  
vetojnë predhat, ftyra u ndrin.  
Po qesh Delua tue kundrue;  
gjithnjë zjarri vjen tu' u shtue.  
— Jepi, — thotë, — e digje mbarë,  
se ka festë poplli shqiptar;  
e festojmë siç i ka hije,  
erë barot Tirana bie!

Rreth fortinit kompanitë  
n'pozicione kanë zanë pritë,  
s'lan' nazist kokën me e qitë.  
Për dy orë, që s'pushoi zjarri,  
krejt u dogj fortini zhari.  
Po zanë hyjet me u venitë,  
hana-plakë s'po ban ma dritë  
n'kupë të qiellit ra n'kurriz,  
përmbi Dajt agimi nis.  
Dritë e re bie mbi lëndinë,  
zbulon fushën e fortinë;  
zbulon topat byth-përtpjetë,  
drrasa e plaçka përgjysë djegë,  
gropue dheu përzi me zharë,  
gzhoja e plaçka shkapërndarë,  
tej një i vramë mbledhun kular,  
tej një tjetër ngelë lavarë,  
kokën posht' me dhe mbulue,  
djegun rrobash e shkrumue,  
mbi mortajë kambët ngujue.  
Disa tjerë mbulue për gjysë,  
ca n'llogore ra përmbys,  
tue e ruejtë kokën me duer;  
një ka ngelë pezull mbi mur.  
Rrqethet trupi tue i shikue,  
dhe pse s'lanë gja pa punue,

dhe pse dogjën edhe vranë,  
edhe ata kan' babë e nanë,  
edhe ata dikush i qan,  
si do qajë nana Rizanë.  
Por Rizai mbrojti vatanë,  
s'i ra n'qafë popujve tjerë,  
n'fushë, si burra, ra me nder.

## KARAVANI

Dalë ngadalë përëndon dielli  
përtej lumit mbi kodrina;  
rrugës para prin Dafina,  
mbrapa saj karvani plot.

Burra e gra, plaçkat ngarkue  
përmbi shpinë, foshnjat ndër duer;  
nga shtëpitë lufta i nxuer, —  
lagja e tyne u ba front.

Lanë të gjitha edhe hikën,  
veç ku t'munden me shpëtue.  
Shpejt komanda u kuidesue  
e Dafinën e ngarkoi.

Nëpër kullat e bejlerve  
përtej lumit t'i strehojë,  
atje vend t'i gjejë e mprojë  
popullsisë, e urdhënoi.

Me i herë shoqet aktiviste  
n'katër anët u lëshuen;  
një nga një tok i bashkuen  
përtej lagjes si karvan.

Morën udhën jashtë Tiranës,  
çel fytyre nga gëzimi,  
hiku frika edhe trishtimi  
sa kaptuen lumin matanë.

Grin karvani fjalë e llafe,  
si sheti rruga u ngjan  
tash që larg rrezikut janë;  
sa për bukë, ka kush mendon.

— Mjaft i dhamë na ushtrisë,  
çdo kafshatë me të e ndamë,  
njësh me te tashti u bamë.  
Kështu turma kuvëndon.

Dikush qahet për shtëpinë,  
dikush derën e la hapë,  
një mbulojë s'iu dha të kapë,  
hiku ashtu me rroba veshë.

Porse, kur mendojnë mortaiat,  
topa e bomba plot me tmerë,  
që të gjitha menjëherë  
i harrojnë e ftyra u qesh.

Disa vajza n'qafë Dafinës  
me i mij pyetje po na i biinë,  
përmbi luftën duen të dijnë,  
si i kaloi jeta në mal.

Vlojnë bisedat e tregimët,  
rrugë e gjatë nuk ndjehet fare;  
atje vonë një shakaçtare  
po e ngacmon shoqen me fjalë.

Se mos ndoshta, dash' pa dashë,  
ndoj sokol me armë shtërngue  
atje n'mal e pat hetue  
edhe zemrën ja rrëmbej.

Qesh Dafina e nis e skuqet;  
para sysh Leka na i doli;  
psherëtini e ma nuk foli, —  
kjo shakaja e shpoi përtej.

Dashunija ndër beteja  
porsi vjollca lulzoi tinës,  
as i bie ndër mend Dafinës  
ku ma s'pari ja filloi.

Por u rrit bashkë me fitoren,  
nëpër sulme mbi Tiranë,  
përballë vdekjes pranë e pranë  
Leka zemrën ja pushtoi.

Heshti kanga dhe biseda;  
shakatarja zbe n'fytyrë  
dhimbshëm vajzën po e këqyrë,  
don ta pyesë, por s'ka guxim.

Hec' karvani. Atje mbrapa  
kalamajt kangën e zunë,  
me ta vajzat u bashkuen,  
por Dafina rri n'mendim.

## JA KU PO VJEN FAJA

Ja ku po vjen Faja  
fluturim si era;  
bukur ja thotë kangës  
kodrave të blera.

Mbi vetull qeleshen  
me një yll në ballë,  
hijeshojnë fishekët  
në gjerdan me radhë.

Serbes na i bjen udhës  
vetëm në këmishë,  
malisherin krahut,  
zanin posi fishë.

Tri mushka i vijnë mbrapa  
me thas' bosh ngarkue;  
partizance kangën  
Faja e ka fillue:

«— Dërgon letër çeta;  
jepma lejen, nanë,  
të luftoj si burrat  
malit partizanë.



Dhe nëqoftëse vritem,  
mbajma ti mue zinë  
dersa shokt e dashun  
ta çlirojnë Shqipninë!\*

Mandej maliherin  
vrik nga krahu e hjek  
dhe për qef të kangës  
ja djeg dy fishekë.

Ndalon karavani,  
para i del Dafina.  
— Dale, — thërret Faja, —  
shoqe, se ja mbrina.

Mos ja prishni Fajës,  
lenie të gëzojë  
punën e fishekve  
mos ja zeni n'gojë.

Qita sa për qefë,  
kështu e ka kjo punë,  
erdha t'i mbush thasët  
plot misër e grunë.

Aferim bejlerëve!  
Si ta kishin dijtë!  
Ne na e ruejtën drithin,  
duket për këtë ditë.

Ta strehon ty Faja  
karavanin mbarë,  
por misër pa leje  
nuk ju la me marrë.

Ju jap misër vetë,  
kemi sa të duesh;  
cip më cip bejlerët  
kullat i kanë mbushë.

Veç do më ndihmoni  
thasët t'i ngarkojmë,  
të gjith' për ushtrinë  
sot duhet t'punojmë...

Lamtumir' karvanit  
— Hajde, udhë e mbarë!  
— Ju liron tash Faja  
at kullën e bardhë.

Kodrave një kangë  
Faja uz përsëri:  
«Malet me blerim mbuluar  
plot më bukuri.»

## HAURI I DHIVE

Ky hauri i dhive  
shpejt u zbukurue;  
hasra edhe qilima  
varg e varg rrjeshtue.

Perde ndër dritare  
me lule qëndisë,  
kush ma mirë ndër shoqe  
vendin ta stolisë.

Sa familje e bukur!  
Të gjith' pranë e pranë;  
skajeve t'Shqipnisë,  
këtu njësh u banë.

Doli vajza jashtë  
të shikojë një herë  
jeta si kalohet  
ndër haure tjerë.

Kodër përmbas kodre  
shkon shoqja Dafinë;  
ke një kullë e madhe  
befas na mbërrin.

Çel derën ngadalë,  
sytë ç'i shikojnë:  
mizëri njerzia  
qeshin e këndojnë.

Në haur të kullës  
kangë e gaz e valle,  
thue janë mbledhë e bajnë  
dasëm tri mëhalle.

Në mes të haurit  
nië plak e një plakë  
vallen dashunorçe  
me zjarr e kanë kapë.

Plaku lëmon mjekrën,  
plaka ze e përdridhet,  
don ta kap qyqari,  
si kaposh i hidhet.

Mori fund kjo pamjë;  
prap' një tjetër nisi:  
mbi koka të tjerve  
doli Faj Mullisi.

Hypun mbi një arkë  
nisi Faja të flasë,  
plot gëzim njerzia  
duert ze ti përplasë.

— O kullë e Toptanit,  
ti m'u bafsh kasolle,  
sa mirë fukaranë  
kësaj herë e mblodhe.

Dita na ka ardhë  
kërcejmë e këndojmë;  
n'mulli për ushtrinë  
natë e ditë punojmë.

Thue ku e marrin grunin?

Ja marrin tregtarve.

Po ata ku e morën?

Ua vodhën fshatarve.

Eh! u zgjue mileti,  
ma qilen për okë  
siç e kemi hangër  
nuk e hamë, o shokë.

Dymbdhjetë vjet me radhë  
n'mulli Faja i shkretë:  
i ra bretku n'punë,  
sot s'ka as xhaketë.

— Edhe kët këmishë  
ma dha komisari,  
se agaj nuk duket  
ma kund aty pari.

Një aga që i mbante  
ballistat me miell  
e pashë sot mërzitshëm,  
se po e çonin lidhë.

Eh, si u ba kjo punë!  
Dje na qe ministër,  
sot shkon si gomari,  
tërheqë për kapistër!

Një tjetër ma e bukur!  
Një bej, goxha burrë,  
që ta thoshte mendja  
n'dor' s'e shtije kurrë.

Ani armatosej  
kokë e deri n'kambë;  
ky, thonin ballistat,  
bren hekur me dhambë.

e pash dje bilbilin,  
si nuse po shkonte;  
bejnë vetëm një shoqe  
para po na e çonte!

Shoqja partizane  
flokët kaçurrela  
ballist beut ja lidhi  
të dy duert me tela...

Gaz edhe shuplakë  
shpërtheinë përgjith anë:  
topat e Hitlerit  
buçasin n'Tiranë.

— Jepi, — bërtet Faja, —  
se u pa puna juej,  
po e përdridhni bishtin  
pa mbarue ky muej!

Qefi edhe gëzimi  
sa po vjen e shtohet,  
vajzës nga hareja  
zemra i përmallohet.

N'mes të mizërisë  
habitë edhe tretë,  
papuritmas një dorë  
krahun ja zatet.

Sjell Dafina kokën,  
vren kush e tërhek,  
krahaqafë lidhë dorën  
shef pran' shokun Lekë.

— Mirse paske ardhë  
në haurin tonë, —  
thotë Leka gëzueshëm. —  
E kemi zakonë,

miqët na t'i presim  
me kangë e me valle,  
siç e shikon vetë.  
jem shtëpi e madhe.

Ky takim Dafinës  
zembrën ja flladiti,  
desh ta pyesë për plagën,  
por dairja s'priti.

Nisi prap' një valle,  
kapun dorë për dorë  
në mes të haurit  
thurun varg kunorë,

Lekën e Dafinën,  
sikur ishin pranë,  
dashë edhe na dashë  
n'valle i përllanë.

Kësaj herë me shpirt  
Faja ja ka marrë:  
si e pësoi Baz Aga  
bashkë me Ball Kombtar.

Lehtë e pa u kuitue  
shoqen Leka e muer,  
jashhtë nga hauri  
dalngadalë e nxuer.

— Këtu pranë, — i thotë, —  
në spital do shkojmë;  
sa më mori malli  
bashkë t'bisidojmë...

Në një dhomë të vogël  
të dy ballë për ballë;  
duen të zanë bisedë,  
por nuk gjejnë fjalë...

Doli e bardha dritë,  
njeri s'fjeti fare;  
varg i rrjeshtoi Faja  
kuaj edhe gomarë,

ngarkue plot me drithë,  
Mbrapa atje po vijnë  
burra, gra dhe vajza  
me nga i thes në shpinë.

Me ta edhe Dafina  
rrugës u bashkue.  
Sa me mall nga Leka  
vajza u largue.



## XHENERAL FICTUMI

Xheneral Fictumi,  
Ledereri pranë,  
shkelma tue rrahë tokën  
gërmushet e shan.

— Turp për Rajhun tonë,  
mbrenda ndër llogore  
të na hyjnë rebelat,  
të na zanë me dorë.

Asnjë nga fortinat  
ma nuk do të bjerë,  
po ra, dinie mirë,  
gjithve do ju ther!

Esest oficera  
sy-përdhe shikojnë,  
fyemjet si granata  
ndër veshë ju ushtojnë.

— S'prisni sa të vijnë  
forcat nga Greqia!  
Atëher' ta marrë  
vesh e gjithë Shqipnia.

Këtij popull farën  
mbi dhe s'do ja lamë,  
shtëpi ku del tymi,  
nuk do mbes në kambë!

Vrisni, pra, ç'ka mbetë  
në Tiranë me radhë;  
vendin ku kaloni  
kthenie në gërmadhë!

Ndryshe nuk u bindka  
ky milet, i murmë,  
veç tue ja ba trupin  
copë e kurmë kurmë.

U tërbue anmiku,  
ballë për ballë s'i duel;  
prap' shpatën e krimpit  
nga mielli e nxuer.

Zanatin e vjetër  
i ra n'mend pak vonë  
ta përdorë ksaj here  
në Tiranën tonë.

Hyn nëpër shtëpia,  
gra e fëmij' rrëmben,  
katilisht inatin  
mbi t'pafaj e shfren.

Mori lajmin Delia,  
vrik u ngrit në kambë;  
rrudhi një herë ballin,  
kërcëlloi më dhambë.

— More tujk i ngordhë,  
ku kujton se je?  
Le kokën në Lindje,  
shkelma qet ndër ne!

Prit, se do të shohim!  
N'qe se del i gjallë  
nga ky vend i ynë,  
ty të qoftë hallall!

Lajmon Delua' shokët,  
batalionin mbarë:  
vetë mbërthye n'granata,  
n'sulm hudhet i parë.

Partizanët shohen  
si bletët nga zgjoni;  
marrin frymë familjet,  
erdhi batalioni!

Nga mure t'shikallmueme  
dritare e çatia,  
bashkë me luftëtarët  
hyn edhe liria.

Gratë me foshnja gjoksit  
leshtrat e ngatrueme,  
me i varg fëmijë mbrapa  
ngasin si t'hutueme.

Partizane s'a shofin,  
turren t'i arrijnë,  
lodhë nga tmërija vdekjes  
mu ndër kambë u bijnë.

Duen t'u puthin armët,  
duen t'i falenderojnë,  
marr mendsh nga gëzimi,  
s'dijnë nga t'ja fillojnë.

Porse zanë e qajnë  
me ngashrim e valë,  
fmijtë e tyne i puthin  
një nga një me radhë. . .

## TAKIM I AMBEL

Një nga një vjedull Dafina  
muret kapërcen,  
pushkën n'dorë, përkulë hajduçe,  
ke'i oborr na bjen.

Ish oborri plot me lule,  
rreth e rreth me pemë;  
në mes shoqesh hijeshonte  
lulja krizantemë.

Gryka e pusit lye n'gëlqere,  
kova aty përbri,  
shpinë e vogël lulevilja  
krejt e kish përfshi.

Vorfënija e pastërtia  
dhe i bukri blerim  
tek shikoje t'këshillonin  
paqë edhe heshtim.

Për një ças Dafina e humbi,  
shpija iu kujtue.  
N'oborr t'tvne krizantemat  
shumë patën lulzue.

Skaj Tiranës një kaçorre,  
dikur me qera,  
patën marrë, fare t'shkatrueme,  
mbrendë çatija ra.

Ditë për ditë mbas pune baba I  
zu ta rregullojë,  
bukuri në kambë e ngriti  
dhe, kur i dha bojë,

u ba shpija posi nuse;  
nana oborrit plot  
pemë-e lule e stolisi;  
mbillte mot për mot.

Manushaqe edhe sheboja,  
borzilok me erë,  
trandafila e karafila  
rozmary e sherbelë.

E kur niste nga tetori  
një prendverë e dytë,  
disa gonxhe trandafili  
prap' i hapnin sytë.

Por at' hera krizantemat  
kishin punën n'dorë, —  
rreth e rreth oborrit t'vogël  
thureshin kunorë.

Ju kujtue daja Dafinës,  
një shofer i shkretë,  
tue udhtue natën pa gjumë,  
vdekjen pati gjetë.

Herë mbas here krizantemat  
mbushun tubën plot  
mbi vorr nana vllaut ja linte  
bashkë me pika lot.

I ra n'mend kur hynte n'derë  
baba bojaxhi,  
kur kish punë, sado i lodhun,  
qeshte si fëmi.

Në mes lulesh, gotën para,  
mbramjeve me hanë  
fliste, fliste e ngushullohej  
me familje pranë.

Aq i mirë bahej kur kishte;  
n'punë s'lodhej kurrë.  
Sa e dërmonte papunësia  
atë goxha burrë.

Hutue vajza, dalngadalë  
ecën nëpër oborr,  
i merr erë një karafili,  
karafil shatorr.

Luftëtarja n'armë shtërngue,  
trimnesha Dafinë,  
qingj i butë u ba ndër lule,  
që përqark i rrijnë.

Vëren vajza se një cifël,  
ardhë nga ndoj mortajë,  
kish ra mbi ca zambakë,  
nxjerrë i kish me rranjë.

Posi foshnjat n'dorë i merr  
e një gropë e hap;  
kur, pa prit, diku aty afër  
ja dha bomba prap!

Vrap u ngrit edhe u kujtue  
se shumë ishte qellë;  
i erdh turp, që n'zjarr të luftës,  
zambakë desh të mbjellë.

Flaku lulet, rroku pushkën,  
vrik synoi shtëpinë,  
nëpër te ma shkurt arrinte  
n'vend shoqja Dafinë.

Porse dera mbyll me dryna  
mbrenda njeri s'qas;  
me kondak edhe me shkelma  
Dafina e përplas.

Kur një britmë ja rrëqethi  
trupin anembanë.  
Një tubë njerz të llahtarisun  
pau se kishin zanë

një copë qoshe n'fund të dhomës  
gra pleq e fëmijë,  
shti të vegjlit n'mes, i mpronin  
tue i shtërngue në gji.

Për një ças nga kalamanët  
një ma me guxim,  
ngriti kokën, pau Dafinën,  
lëshoi fluturim.



N'qafë iu hodh edhe bërtiti:  
— Janë partizanë!  
Partizanë, o nanë, shpëtuem,  
s'kemi ma gjermanë.

Ngeli vajza, nuk shikonte  
çfarë solli n'at' vend,  
si me gaz ndritën fytyrat  
e u mbush dhoma shend.

I erdh keq që shpirti i motrës,  
jetimi i shkretë,  
e kish puth e nuk e njofti  
motrëzën e vet.

Ky takim shumë' e tronditi,  
as e kish mendue  
prap' t'i shifte prindt e dashun  
pa pritë, pa kujtue.

## PERËNDOI FAJA SYTË

Kësaj here n'për lagje  
luftoi edhe Faja.  
E din mirë se Xhepi  
ka dy depo t'mdhaja.

Depo plot me drithë  
atje mbas shtëpisë;  
kalon Faja muret,  
fillë atje asht nisë.

Pushkën në një dorë,  
bombën n'dorën tjetër,  
prite, Rexhep Camja,  
sot mikun e vjetër!

Ke magazja e madhe,  
mbas thasve me grunë,  
na rri strukë Rexhepi  
me një varg spiunë.

S'patën shteg me ikë,  
keqas mbenë rrethue:  
posa t'erret nata  
presin me kalue.

E dijnë mirë katilat  
se, ndër partizanë,  
vetëm një lëkurë  
krimet nuk ua lanë.

Dhambët u kërcasin  
përmbas thasve mshefë,  
sygap shikojnë derën  
me mashinka ngrefë.

Ja se u hap dhe dera,  
hyni Faj Mullisi, —  
tue u dridh' mashinka,  
n'dorë të Xhepit krisi.

— Oh! Rexhep spiuni... —  
briti tue u përplasë  
Faja i shkretë, e bombën  
e hodh përmbi thasë.

Vrik arrijtën shokët,  
depon e rrethuen  
ngordh nga tmeri i zjarrit,  
gjallë me dorë i zunë.

N'oborr, në mes lulesh,  
për një pemë mbështetë  
po vdes Faj Mullisi,  
tue lanë amanet.

— Thoni Komisarit  
tej ke rrugë e Bamit  
keni edhe dy depo  
grunë të Rexhep Camit.

Atje përmbas lumit  
prap, misër, kam lanë;  
mos harroni e sillnie  
karvan për Tiranë.

Sa për thasë njësit  
t'vej edhe t'i marrë,  
ua mësova vendin  
ke disa tregtarë.

Ja edhe këto pare,  
jepnia komisarit;  
thoni ka thanë Faja  
janë paret e barit.

Në livadh të Tagës,  
kriminel me famë,  
tre mullar i morëm,  
tre mullar i lamë.

Mundet që i mëshefin,  
se janë ujq të vietër:  
nesër t'ua merrni  
tre mullar pa tjetër. —

Nëpër mes oborrit,  
qençe tue u dridhë,  
me Rexhepin para  
shkojnë spiunët lidhë.

Po i shikon Dafina,  
mezi veten ndal,  
nga inati zemra  
gjoksit don t'i dalë.

Po i shikon dhe Faja:  
— Hajde Rexhep Camja,  
qençe si e kërkove  
t'erdhi, — thotë, — e mbramja.

Sa për pasuninë,  
me shkue dam s'ta lamë,  
Janit e Safetit  
të m'i bajsh selam.

Sa fort ta dëshrova,  
O Rexhep, këtë ditë.  
Tashti zemër-ngopun  
do japë Faja shpirt.

Ja ku m'erdh fundi;  
shokë, u pa kjo punë;  
s'ka gja, mjaft që Xhepin  
n'çark si miun e zumë.

Shoqe, t'kegen Faja,  
ma këndo një kangë;  
at' kangën, që thotë:  
«Jepma lejen, nanë».

Ja, ta këndojmë bashkë.  
Dhe, tue u shtërngue,  
me za të Dafinës  
Faja u bashkue.

«Për në qoft' se vritem  
mbajma ti mue zinë...»  
Rrëke lotët vajzës  
tue këndue i bijnë.

Prendoi Faja sytë,  
iu pre kënga n'gojë;  
edhe vdekë ai duket  
sikur don t'këndojë.

## LUFTA E MUSHQETAS.

Pa ra nata mbi Tiranë,

solli shefi radiogramnë,

Ledereri u ngrit në kambë,

po rreh grushtin për tryezë,

nga gëzimi syt' i ndez.

E lajmojnë prej Elbasanit:

— Dhamb për dhamb gajret ju bani,

se ja arrijtëm nga Greqia;

trimijë vetë numron ushtria,

topa e tanke e armë gjithfarë,

rroba, płaçka e pare ar, —

kudo ramë e dogjëm mbarë!

Mbahuni se s'ja vonojmë,

mbarë Tiranën do e rrafshojmë. . .

— Ta rrafshojmë, — thot' Ledereri. —

gur mbi gur këtu mos t'ngeli;

ta rrafshojmë, uji t'i dalë,

t'mbesë Tirana si rrashtë kali,

mos të pjellin ma ktu gratë,

vorr të duket votra thatë;

kukuvajka natë për natë

të vij rrotull ndër rrenoje,

veç ajo këtu t'këndojë! —

Lederer, goja t'u thaftë,

kukuvajka mos t'u ndaftë.

natë për natë t'këndoft' te kryet  
meze ty t'i hangërt sytë.  
S'e lëshojmë Tiranën kurrë  
për pa u ba kufomat turrë!

Atje n'shtab t'operacionit,  
komandanti i divizionit,  
zhytun ndër mendime thellë,  
me një dorë mustaqen dredh,  
mvrejtun vetullat e ballin,  
po mendon si t'ja baj hallin,  
n'çark kolonën si ta kapë  
në Petrelë e në Qaf-Krabë,  
kokë as bisht mos t'i teprojë,  
peshqesh dreqit n'gojë t'ja çojë...  
Shtabi i madh, pa ra mirë nata,  
dërgon urdhën ndër brigada.  
Vjen kolona nga Elbasani  
si n'Shëndre kur bie tufani.  
Tanket para zjarr tue lshue  
brima e skuta tue dërmue.  
Tërbue topat bulurojnë  
fshat në këmbë s'lanë kah kalojnë.

N'Mushqetë po bie buria,  
sot a kurr thërret Partia.  
Bini, shokë, se kësaj herë  
ietë e vdëkie i kemi n'derë.  
N'qe se u vramë pesë vjet me radhë,  
n'qe se ktu me nder kemi ardhë.  
Kjo betejë faqen na zbardh.

S'don ushtria tjetër fjalë,  
vdëkia burrat ma s'i ndal:  
si rëbesh biinë mbi kolonë,  
tunden malet e gjëmojnë.

Mbet armiku n'çark ngujue;  
rrmuj katilat grumbullue  
mbarë as prapë nuk dijnë me shkue.  
hingllojnë kuajt përtokë rrëzue.  
Bijnë nazistat mbi shoshojnë,  
vend për vend grumbujt i shtojnë,  
të plagosunit rrëkojnë;  
s'mendon kush ma për betejnë,  
ulurimat marrin dhenë.  
Sillen topat duen me gjetë  
ndojoj anmik kund me zatetë,  
por, pa dalë mirë predhë e shkretë,  
bie topçiu me kambë përpjetë.  
Tërbue kali me karrocë  
sipër t'ramve brinj e kockë  
pa uë then n'patkoj çelikut,  
kërkon kafsha t'hik rrezikut,  
merr rrëmoren edhe humb  
me gjithë karro bie në lumë.  
U çmend fare koloneli,  
iu shqye zani, fryma i ngeli,  
posi shtaza tue bërtitë  
n'parabel n'ushtarë tue qitë,  
turfullon urdhën tue dhanë  
n'sulm me i ra shpatit të tanë.  
Por s'ja zgjati sa vetima,  
iu derdh koka copa e grima:  
bri një kalit ra gjujzue,  
andej tanku tue kalue  
petë e bani dhe u largue.  
Pirgje kuajt e stoma-stoma,  
pirgjet varg, mbushë me kufoma,  
kush pa kambë e kush pa kokë,



rrëke gjaku shkon përtokë.  
Sharabajka e automjete-  
zjarri i djeg e i ban skelete.  
Grykë në grykë topat fushcrë,  
mitrolozat kundraajrorë  
thue se zihen me shoshojnë,  
plot inat qiellin shikojnë.  
Ju tha goja për një predhë,  
por topçiu e ka përdredhë  
me kohë bishtin e ka mbetë  
për shënjestër kryet mbështetë.

S'ban kolona çap përpara,  
ngjan xhadeja lara-lara.  
Kanë ra plaçka prej maqine,  
barna, pushkë e çanta shpine,  
radio e municion gjithfarësh,  
roba fmiysh, fustana grash  
grumbuj-grumbuj shkarrafitë;  
mbi maqinë një flamur ngritë.  
Mu në mes shtiza iu thye,  
kryqi shtrembët, djegë e zhye,  
vrik përdhe kokën e ul;  
përmbi plaçka tue u përkulë  
në shenj zije dhe mjerimi,  
hije i ban grabisë e krimi!

S'pushon zjarri ditë as natë,  
tym e flakë kolonë e gjatë,  
prej Qaf-Krabe e derë n'Tiranë  
një nazist nuk mbet në kambë,  
veç ata që rob u dhanë.

Partizant trimë petritë,  
dheun me gjak tuë e vaditë,

gjoks për gjoks ata luftuen,  
atje u vranë, atje u coptuen;  
kurr Tiranën nuk e lshuen

Shkrep më shkrep po bie buria.  
Lum e lum sot ban Shqipnia  
Për këtë lajm, që jep Partia:  
— N'Mushqeta u shue kolona,  
tash Tirana asht e jona!

## LAVDI TIRANËS

Fryj fllad i Tetorit, mbi Shqipninë-nanë.  
Sa hije fitorja t'paska, moj Tiranë!

Tiranë e Qemalit, tym që rri tue lshue, —  
shpija dhe dyqane djegun e shkretnue.

Sheshi me kufoma, karro edhe maqina  
verbue sysh' sahati, muret vrima-vrима.

Dhe kështu je e bukur, Tiranë luftëtare,  
me ato plagë që more, ngadhnjen ma krenare.

Pesqind vjet kaluen, sytë kurr' nuk i panë  
këto ditë — pra, shekujt luftë e gjak na vanë!

Si n'kala të Krujës, mbi bina t'Bashkisë  
madhështor rreh palën flamuri i lirisë.

Thirrje e duartrokitje nga dy ant me mia,  
valë-valë si deti ushton brohoria.

Po kalojnë brigadat varg e varg me radhë,  
Delua me Lekën, mbi dy kuaj të bardhë.

Para batalionit shkojnë pranë e pranë.  
Buqetat me lule hidhen nga çdo anë.

Lulishtë u ba sheshi. Me hap djaloshtar  
kalon batalioni mbi lule krenar.

Mungon Sali Kondi, trimi Xhezairi,  
Riza Shkodra e Foni, Mazëja e Shaqiri.

Haxhi Lata i shkretë nuk e pa këtë ditë;  
nana labe birit ia ban hallall gjithë.

Lajmin po sa mori, zbriti nana malit;  
në Tiranë e puthi dheun mbi vorr të djalit,  
rroku pushkën n'dorë, hyni n'barikatë;  
kambë për kambë me burra luftoi ditë e natë

Dhe, përkrah Dafinës, sokolesha nanë  
marshon n'kambë të birit sot mbi shesh të  
gjanë.

Lavdi, ju dëshmorë, që n'beteja ratë  
e këtë dhe të dashun amanet na latë.

Rroftë ushtri e jona, që lavdinë e t'parve  
gjakun, që shkroi fletët n'histori t'shqiptarve,  
me nderim i ngriti sot me armë në dorë  
dhe Shqipnisë fitoren n'ballë ja vu kunorë.

39320

PËRMBAJTJA

Faqe

Fllad i Tetorit .....	3
Dafina .....	5
Zani i Tiranës .....	9
Rexhep Camja .....	11
Baballarët e kombit .....	14
Fajë Mullisi .....	20
Barikatat .....	22
Gjëmon topi në pazar .....	26
Shtatë Nandori mbi Tiranë. ....	35
Karavani .....	44
Ja ku po vjen Faja .....	47
Hauri i dhive .....	50
Xheneral Fictumi .....	56
Takim i ambël .....	60
Perëndoi Faja sytë .....	65
Lufta e Mushqetas .....	69
Lavdi Tiranës .....	74